

Mazarin  
3660

Les Sept trompettes dv ciel ...



RARE BOOK  
COLLECTION



THE LIBRARY OF THE  
UNIVERSITY OF  
NORTH CAROLINA  
AT  
CHAPEL HILL

Mazarin  
3660

UNIVERSITY OF N.C. AT CHAPEL HILL



00023010279



3660  
I  
LES SEPT  
TROMPETTES  
DV CIEL,  
ENVOYEES PAR LA  
FRANCE  
A  
IVLESMAZARIN,  
POVR L'EXCITER  
à faire Penitence.

En Vers Burlesques.

A PARIS,  
Chez MATHVRIN HENAULT.  
M. DC. XLIX.  
*Avec Permission.*



LES SEPT

TROMPETTES

DU CIEL

ENVOYÉES PAR LA

FRANCE

A

IVALESMATHARIN

POUR L'EXCITER

à faire Penitence.

En Vers Burlesques.


A PARIS

CHEZ MATHURIN HENNAULT.

M. DC. XLIX.

chez Penitence.





# LES SEPT TROMPETTES

*du Ciel, enuoyées par la France, à Iules*

*Mazarin, pour l'exciter à faire*

*Penitence.*



Ruel Tyran enflé de rage  
 Qui ne respire que carnage,  
 Ennemy de tout mon bon-heur;  
 Et qui meditant mon mal-heur;  
 Veux troubler ma ioye commune  
 Par la grandeur de ta Fortune,  
 Et qui par tes desseins secrets  
 Arrestes mes heureux progres;  
 Qui pour augmenter mes souffrances  
 Voulois me raurir mes puissances  
 La Iustice & l'autorité,  
 Faisant regner la cruauté:  
 Puissances que l'on pourroit dire  
 Estre bases de mon Empire  
 Et les fondemens de mes Loix  
 Par qui subsistent tous mes Rois  
 Tandis que ta molle prudence  
 Et ton excessiue impudence  
 Regneront dans mes grands Estats,  
 On n'y verra que scelerats,



Le factieux & le coupable  
 Sous ton ministere damnable,  
 Osera tout, ne craignant rien,  
 Et trouuera tousiours du bien  
 Dans tes insolentes malices,  
 Au lieu d'y trouuer des supplices.  
 Les vices seront en honneur  
 Les vertus seront en horreur,  
 L'orgueilleux, le superbe & traistre,  
 En public oseront paroistre:  
 On verra regner l'impieté,  
 On bannira la sainteté:  
 Ceux-là auront la vraye sagesse  
 Qui iouront des tours de souplesse:  
 Point d'integrité ny de foy,  
 Bref, on meprisera la Loy.  
 Mais sçache, ingrat, quoy que tu faces,  
 Que ie me ris de tes menaces,  
 Ie me mocque de tes prisons,  
 Et de tes lasches trahisons.  
 Apres t'auoir comblé de gloire,  
 Tu me promettois la victoire  
 Sur l'ennemy de mon Estat;  
 Mais tu veux que comme vn forçat  
 I'obeyssse à ton Eminence,  
 Qui n'agit qu'avec insolence.  
 De grace, change de propos,  
 Et ne trouble plus mon repos,  
 Et sans tant de ceremonies

Reiettes

BIBLIOTHEQUE



Reiettes ces fottes manies  
Qui t'ayans troublé le cerueau;  
Te feroient prendre pour vn veau:  
Car il est vray que tes maximes,  
Semblent tant estre illegitimes,  
Que si tu n'estois Cardinal  
Tu passerois pour vn cheual.  
Apprend donc, que peu ie m'effroye  
De ce que tu me donne en proye  
A mon plus puissant ennemy  
Qui deuient mon plus grand amy:  
En effet, c'est vne merueille,  
Comme il n'a pas presté l'oreille  
A ton pernicieux dessein,  
Qui me mettroit le feu au sein,  
Et que blasmant ton entreprise,  
Il n'a point vsé de surprise,  
Et pouuant ruiner mes Estats  
Par rauages & par degats,  
Il est venu dans mes Prouinces,  
Pour donner secours à mes Princes.  
C'est le Ciel, qui tousiours defend  
La iustice de l'Innocent,  
Qui connoissant mon innocence,  
S'est seruy de toute puissance,  
Pour m'empescher de succomber,  
Afin que tu puisses tomber  
Dans les plus profonds labyrintes,  
Remplis de tourmens & de craintes,



Rabaissant cette ambition  
Qui te fait perdre la raison,  
Je ne crains bien aussi que la barque  
De mon invincible Monarque,  
Soit-elle pres ou loin du Port,  
Puisse estre ébranlée par l'effort,  
De quelque vehement orage,  
Qui la menace du naufrage;  
Puisque le celeste secours  
Ne me deniera son concours,  
Pour mieux arracher ces racines  
De mes miseres intestines.  
J'vseray de seuerité,  
Et banniray l'impunité,  
La vraye amorce de tous crimes  
Offrant à Themis des victimes.  
Mais avant que de coup ferir,  
Et avant que de ressentir  
Le trait puissant de la tempeste  
Dont le Ciel menace ta teste,  
Toy, qui par tes faits odieux,  
A perdu le bon-heur des Cieux;  
Escoutes ces Trompettes saintes,  
Qui font tout retentir de craintes;  
Ne mesprise point leur clameur,  
Comme le serpent le charmeur,  
Afin que par là tu essayes  
A fonder & guerir tes playes;  
L'Arrest n'est encores donné,



Le Ciel n'en-a pas ordonné,  
Tu peux faire des sacrifices  
Pour abolir tes malefices,  
Tu peux par vœux & Oraisons,  
Briser ces fers & ces prisons,  
Dont la diuine Prouidence  
Va menaçant ton Eminence:  
Fais luy oublier tes mes-faits,  
En me reſtabliffant en paix:  
En fin tu peux par ta priere  
Appaifer ſa iuſte colere,  
Et preſentement, ſ'il te plaift,  
Tu peux reuoyer ſon Arreſt.  
Eſcoute, eſcoute ces Trompettes  
Qui ſont comme autant de Prophetes,  
Qui te prediſent le mal-heur  
Qui doit renuerſer ta grandeur,  
T'apprenant que tes Deſtinées  
Laſſées de toutes tes menées,  
Te ſeront vn foible ſupport,  
Pour ſouſtenir ce grand effort,  
Car crois-tu que la vaine crainte,  
Que tu penſe en mon cœur empreinte,  
Que les feux & embrasſemens,  
Que les fers & que les tourmens,  
Que les prisons & que les guerres,  
Deſtournent les coups de tonnerres  
Que Dieu ſ'en va lancer des Cieux,  
Pour t'engloutir aux plus bas lieux.



Change donc ces vaines pensées,  
 Et ne tien point pour des risées,  
 Cet aimable aduertissement,  
 Bien que remply d'estonnement.  
 Les Trompettes que ie t'enuoye,  
 Te doiuent causer de la ioye,  
 Pouuans changer tous tes souspirs  
 En mille agreables plaisirs,  
 Et puis, elles sont animées  
 De l'Esprit du Dieu des armées,  
 Qui peut conuertir le pecheur,  
 Et te combler de tout bon-heur.  
 Reçois donc cette Remonstrance,  
 Pour t'exciter à repentance,  
 Reçois cette benediction,  
 Que t'offre vne Contrition,  
 Qui peut te tirer des abysses  
 Ou t'ont precipité tes crimes.

F I N.







